

四庫全書

子部

欽定四庫全書

冊府元龜卷一百三十二 宋 王欽若等 撰

帝王部

褒功

周官司勳掌六功之名數而制其褒賞之典繇三代而下乃有參豫締構輔成大業扶獎王室佑生民處帷幄而運籌內申於毗贊執干戈而戡難外震於威靈至或矢謀盡規經物成務定策佐命而安宗社奉辭出塞

而清戎羯勳烈並建威聲載路於是有金石之賜車服之錫加以殊禮形於善頌乃至增其爵秩賞及胄裔推詔獎以溫密著圖績之炳煥示慈於燕喜宥死於甲令陪葬於園寢配饗於大烝稱伐於銘篆飾終於贈謚皆所以顯揚其不績懋觀於來者使知夫為善之益而慕報德之盛焉

周武王伐紂時封諸臣有功者於廟作賚之詩賚予也言所以賜予善人也

成王幼弱周公踐天子之位以治天下六年朝諸侯於

明堂制禮作樂頒度量而天下大服踐猶履也頒讀為班度謂丈尺高卑

廣狹也量為豆區七年致政於成王以周公為有勳勞

於天下致政以王事歸授之是日封周公於曲阜地方

七百里草車千乘曲阜魯地上公之封地方五百里加曲阜魯地上公之封地方五百里者二十四

並五五二十五積四十九間方之得七百里草車兵車也兵車千乘戎國之賦也詩魯頌曰王謂叔父建爾元

子俾侯於魯大放爾宇為同室輔乃命魯公俾侯于東錫之山川土田附庸又曰公車千乘朱英絲滕也命

魯世世祀周公以天子之禮樂同之於周尊之也魯公謂伯禽是以魯

君孟春乘大路載弧韜旂十有二旒日月之章祀帝於

郊配以后稷天子之禮也

孟春建子之月魯之始郊月以至大路殿之祭天車也弧

旌斨所以張幅也其衣曰韠天子之旌斨畫日月帝謂蒼帝靈威曜也昊天上帝魯不祭

季夏六月

以禘禮祀周公於太廟牲用白牡尊用犧象山罍鬱尊

用黃目灌用玉瓚大圭薦用玉豆雕篋爵用玉琖仍雕

加以璧散璧角俎用抗歲升歌清廟下管象朱干玉戚

冕而舞大武皮弁素積裼而舞大夏昧東夷之樂也任

南蠻之樂也納夷蠻之樂於太廟言廣魯於天下也

季夏

建已之月也禘大祭周公曰太廟魯公曰世室羣公稱宮白牡殷牲也尊酒器也犧尊以沙羽為畫飾象骨飾之鬱鬯之器也黃彝也灌酌鬱鬯以獻也瓚形如禁容五升以大圭為柄是謂圭瓚簋籩屬也以竹為之雕刻飾其直者也爵君所進于尸也仍因也因爵之形為之飾也加加爵也散角皆以璧飾其口也椀始有四足也巖為之距清廟同頌也象謂周頌武也以管播之朱干赤大盾也威斧也冕冠名也諸侯之服自衮冕而下如王之服也大武周舞也大夏夏舞也周禮昧師掌教昧樂詩曰以雅以南以齋不僭廣大也

周公在

豐致政將沒欲葬成周已所營作示公薨成王葬于畢

不敢臣周公故告周公作亳姑周公徙奄君子亳姑因使近文武之墓告作以葬畢之義并及

奄已定亳姑言所遷之功成云

康王追念周公之所以勲勞者而欲尊魯故賜之以重

祭外祭則郊社是也內祭則大嘗禘是也

言此者王室所欲右周公

之功夫大嘗禘外歌清廟下而管象朱干玉戚以舞大武

八佾以舞大夏此天子之樂也康周公故以賜魯也

清廟

頌文王之詩也管象吹管而舞武象之樂也朱干赤盾戚斧也此武象之舞所執也佾猶列也大夏禹樂文舞也執羽籥文武之舞皆八列互言之耳子孫纂之至於

康猶褒大也易晉卦曰康侯用錫馬

不廢不廢其此禮樂

也重猶尊也

平王元年命衛侯和為公

和武公也

初犬戎殺幽王武公將

兵往佐周平戎甚有功王命為公

定王十三年晉士會帥師滅赤狄晉侯請于王戊申以

黻冕命士會將中軍且為太傅

代荀林父將中軍且如以太傅之官黻冕命卿

之服太傅孤卿

靈王十八年魯襄公之十九年也鄭公孫蠆卒赴於晉

大夫范宣子言於晉侯以其善於伐秦也

襄十四年晉伐秦子蟘見

諸侯師而勸之濟涇也

六月晉侯請於王王追賜之大路使以行



禮

大路天子所賜車服摠名以行  
奠禮傳言大夫有功則賜服路

漢高祖五年項籍死帝置酒對衆折隨何曰腐儒

腐儒  
爛敗

言無所  
堪任

為天下安用腐儒哉

高祖意欲褒賞隨何恐羣  
臣不服故對衆折辱令其

自數功  
勞也

隨何跪進曰夫陛下引兵攻彭城楚王未去齊

也陛下發步卒五萬人騎五千能以取淮南乎曰不能

隨何曰陛下使何與二十人使淮南如陛下之意是何

之功賢於步卒數萬騎五千也然陛下謂何腐儒為天

下安用腐儒何也帝曰吾方圖子之功

圖謀也

乃以隨何

為護軍中尉是年高祖置酒雒陽南宮帝曰通侯諸將

舊曰徹侯避武帝諱曰通侯通亦徹也通言其功德通於王室也又其後改為列侯列者見序列也毋敢

隱朕

朕曰我古者上下共文咎跡與帝呼言稱朕屈原曰朕皇考至秦獨以為尊稱漢遂因之而不改也

皆言其情吾所以有天下者何項氏之所以失天下者

何高起王陵對曰

姓高名起漢帝年紀高帝時有信平侯臣陵都武侯臣起魏相邴吉奏高

帝事有臣陵臣起

陛下嫚而侮人

嫚易也請與慢同

項羽仁而敬人然

陛下使人攻城畧地所降下者因以與之與天下同利

也項羽妬賢疾能有功者害之賢者疑之戰勝而不與

人功得地而不與人利此其所以失天下也帝曰公知其一未知其二夫運籌帷幄之中決勝千里之外吾不如子房填國家撫百姓給餽餉不絕糧道吾不如蕭何

填與鎮同鎮安也餽亦饋字

連百萬之衆戰必勝攻必取吾不如韓

信三者皆人傑吾能用之

傑言傑然獨出也

此吾所以取天下

者也項羽有一范增而不能利用此所以為我擒也羣臣  
悅服

宣帝本始元年詔曰夫褒有德賞有功古今之通義也

車騎將軍光祿勳富平侯安世宿衛忠正宣德明恩勤勞國家守職秉義以安宗廟其益封萬六百戶次大將軍光

甘露二年單于始入朝帝思股肱之美迺圖畫其人於

麒麟閣

武帝獲麒麟時作此閣圖畫其象於閣遂以為名又曰漢宮閣疏云蕭何造

法其形

貌署其官爵姓名惟霍光不名曰大司馬大將軍博陸

侯姓霍氏次曰衛將軍富平侯張安世次曰車騎將軍

龍頌侯韓增次曰後將軍營平侯趙充國次曰丞相高

平侯魏相次曰丞相博陵侯丙吉次曰御史大夫建平侯杜延年次曰宗正陽城侯劉德次曰少府梁丘賀次曰太子太傅蕭望之次曰典屬國蘇武皆有功德知名當世是以表而揚之明著中興輔佐列於方叔召虎仲

山甫焉

三人皆周宣王之臣有文武之功佐宣王中興者言宣帝亦重興漢室而霍光等並為名臣皆

比於方叔之屬

凡十一人

成帝建始四年河決於館陶河隄使者王延世使塞

其命

為使而塞河也華陽國志云延世字長叔健為潁中人也

以竹落長四丈大九圍盛

以小石兩舩夾載而下之三十六日河隄成帝曰東郡

河決流漂二州校尉延世隄防三旬立塞其以五年為

河平元年卒治河者為著外繇六月

以卒治河有勞雖  
執役日近皆得比

繇戍六月也著  
謂著於簿籍也

惟延世長於計策功費約省用力日寡

朕甚嘉之其以延世為光祿大夫秩中二千石賜爵關

內侯黃金百斤

後漢光武初景丹為偏將軍號奉義侯從擊王郎將兒

宏等於南嶽郎兵迎戰漢軍退卻

續漢書曰南嶽賊足  
里上營得上彭車鞋

重殺  
重也

丹等縱突騎擊大破之追奔十餘里死傷者縱橫  
丹還光武謂曰吾聞突騎天下精兵今乃見其戰樂可  
言邪

建武四年漁陽太守彭寵反上谷太守耿况屢攻破之  
五年寵死天子嘉况功使光祿大夫樊宏詔况曰惟况  
功大不宜監察從事邊郡塞苦不足久居其詣行在所  
賜甲第奉朝請封陽平侯

五年建威大將軍耿弇攻張步於臨淄張步復來攻弇

奔擊破之後數日車駕至淄自勞軍羣臣大會帝謂奔  
曰昔韓信破歷下以開基今將軍攻祝阿以發跡此皆  
齊之西界功足相方而韓信襲擊已降將軍獨拔勅敵  
其功乃難於信也

六年征西大將軍馮異朝京師引見光武謂公卿曰是  
我起兵時主簿也為吾披荆棘定關中既罷使中黃門  
賜以珍寶衣服錢帛詔曰倉卒蕪葦亭豆粥滹沱河麥  
飯厚意久不報異稽首謝曰臣聞管仲謂桓公曰願君



無忘射鈎臣無忘檻車齊國賴之臣今亦願國家無忘河北之難小臣不敢忘巾車之恩後數引燕見定議圖蜀留十餘日令異妻子隨還西上

八年征隗囂征虜將軍祭遵屯汧公孫述遣兵救囂諸將奔還遵獨留不却詔曰將軍連年距難衆兵即却復獨案部功勞爛然兵退無宿戒糧食不豫具今乃調度恐力不堪國家知將軍不易亦不遺力送縑千匹以賜吏士

陳俊初為安集掾擊銅馬拜彊弩將軍與五校戰手接

短兵追奔二十餘里斬將光武望而嘆曰戰將盡如是

豈有憂哉以俊為琅琊太守行大將軍事俊將兵擊董

憲於贛榆

贛榆縣名屬東海郡

進破胸賊孫陽平之是年張步畔

還琅琊俊追討斬之帝美其功詔俊得專征青徐

華嶠書曰

賜俊盟書曰將軍元勳大著威震青徐兩州有警得專征之也

俊得撫貧弱表有義簡

制軍吏不得與郡縣相干百姓歌之數上書自請願奮

擊隴蜀詔報曰東州新平大將軍之力也負海猾夏盜

賊之處國家以為重憂且勉鎮撫之

明帝時竇憲既破北單于勒銘燕山乃班師詔使中郎將持節即五原拜憲大將軍封武陽侯食邑二萬戶憲固辭封賜策許焉永平二年詔曰大將軍憲前歲出征克滅北狄朝加封賞固讓不受舅氏舊典並蒙爵土

西漢

故事帝舅皆封

其封憲冠軍侯邑二萬戶篤郾侯景汝陽侯瑒

夏陽侯各六千戶憲獨不受封

永平中帝追感前世功臣乃圖畫二十八將於南宮雲

臺其外又有王嘗李通竇融卓茂合三十二人其二十  
八將者太傅高密侯鄧禹中山太守金椒侯馬成大司  
馬廣平侯吳漢河南尹阜成侯王良左將軍膠東侯賈  
復琅琊太守祝阿侯陳俊建威大將軍好畤侯耿弇驃  
騎大將軍參遮侯杜茂執金吾雍奴侯寇恂積弩將軍  
昆陽侯傅俊征南大將軍舞陽侯岑彭左曹合肥侯堅  
鐔征西大將軍夏陽侯馮異上谷太守淮陽侯王霸建  
義大將軍潁陽侯祭遵豫章太守中水侯李忠驃騎大

將軍櫟陽侯景丹右將軍槐里侯萬修虎牙大將軍安平侯蓋延太常靈壽侯邳彤衛尉安成侯銚期驍騎將軍昌成侯劉植東郡太守東光侯耿純橫野大將軍山桑侯王嘗城門校尉節陵侯臧宮大司空固始侯李通捕虜將軍揚虛侯馬武大司空安豐侯竇融驃騎將軍慎侯劉隆太傅宣德侯卓茂

傅育為武威將軍護羌校尉戰死育初為臨羌長與捕虜將軍馬武等擊羌滇浯功冠諸軍及在武威聲聞於

匈奴食祿數十年秩奉盡贍給知友妻不免操井臼帝  
下詔追褒美之封其子殺為明進七百戶

魏太祖令曰故陳留太守舉祇天性忠能始共舉義兵  
周旋征討後袁紹在冀州亦貪祇欲得之祇深附託於  
孤使領東阿令呂布之亂兗州皆叛惟范東河完在繇  
祇以兵據城之力也後大軍糧乏得東河以繼祇之功  
也及破黃巾定許得賊資業當興立屯田時議者皆言  
當計牛輸穀佃科以定施行後祇白以為佃牛輸穀大

收不增穀有水旱災除大不便反覆來說孤猶以為當  
如故大收不可復改易祇猶執之孤不知所從使與荀  
令君譏議之時故軍祭酒侯聲云科取官牛為官田計  
如祇議於官便於客不便聲懷此云云以疑令君祇猶  
自信據計畫還白執分田之術孤乃然之使為屯田都  
尉施設田業其時歲則大收後遂因此大田豐足軍用  
摧滅羣逆克定天下以隆王室祇興其功不幸早歿追  
贈以郡猶未副之今重思之祇宜受封稽留至今孤之

過矣祇子處中宜加封爵以祇為不朽之事婁圭字子伯從太祖破馬超等子伯功為多太祖嘗嘆曰子伯之計孤不及也

程昱嘗從太祖征討屢有功及中夏漸平太祖拊昱背曰兗州不用君言吾何以至此

徐晃為平寇將軍太祖還鄴留晃與夏侯淵拒劉備於陽平備遣陳式等十餘營絕馬鳴閣道晃別征破之賊自投山谷多死者太祖聞甚喜假晃節令曰此閣道漢



中之險要咽喉也劉備欲斷絕外內以取漢中將軍一舉克奪計之善者也

夏侯淵為行護軍將軍督朱靈等屯長安建安中抱罕  
宋建因涼州亂自號河西平漢王太祖使淵帥諸將討  
建淵至圍抱罕月餘拔之斬建及所置丞相已下淵別  
遣張郃等平河關渡河入小湟中河西諸羌盡降隴右  
平太祖下令曰宋建造為亂逆三十餘年淵舉滅之虎  
步關右所向無前仲尼有言吾與爾不如也

文帝初涼州盧水胡反西河大擾詔以張既為涼州刺  
史既追擊大破之斬首獲生以萬數帝甚悅詔曰卿踰  
河歷險以勞擊逸以寡勝衆功過南仲勤踰吉甫此勳  
非但破胡乃永寧河右使吾長無西顧之念矣徙封西  
鄉侯增邑三百并前四百戶

又詔朱靈曰將軍佐命先帝典兵歷年威過方召功踰  
絳灌圖籍所羨何以加焉朕受天命帝有海內元功之  
將社稷之臣皆朕所以同福共慶傳之無窮者也今封

郇侯富貴不歸故鄉如夜行衣繡若平常所志願勿難  
言靈謝曰高唐宿所願於是更封高唐

明帝青龍元年五月壬申詔祀故大將軍夏侯惇太司

馬曹仁車騎將軍程昱於太祖廟庭

魏書載詔曰昔先王之禮於功臣存

則顯其爵位沒則祭於大烝故漢氏功臣祠於廟庭大魏元功之臣勳爵優著終始休明者其皆依禮祀之於是以惇等配饗

齊王正始四年七月詔祀故大司馬曹真征南大將軍  
夏侯尚太常桓階司空陳羣太傅鍾繇車騎將軍張郃

左將軍徐晃前將軍張遼右將軍樂進太尉華歆司徒  
王朗驃騎將軍曹洪征西將軍夏侯淵後將軍朱靈文  
聘執金吾臧霸破虜將軍李典立義將軍龐德武猛校  
尉韋典於太祖廟庭

五年十一月癸卯詔祀故尚書令荀攸於太祖廟庭  
六年十一月裕祭太祖廟始祀佐命臣二十一人

嘉平二年諸葛誕反驃騎將軍王昶據夾石以逼江陵  
持施績全熙使不得東諸葛誕既誅詔曰昔孫臏救趙

直走大梁西兵驟進亦所以成東征之勢也增邑千戶并前四千七百戶遷司空持節都督如故

郭淮為雍州刺史嘉平元年遷征西將軍都督雍涼諸軍事三年詔曰昔漢川之後幾至傾覆淮臨危濟難功書玉冊在關右三十餘年外征寇虜內綏民夷比歲以來摧破闕廖化車騎將軍儀同三司持節都督如故進封陽曲侯邑凡二千七百八十戶分三百戶封一子亭侯

高貴鄉公時鄧艾為安西將軍大破姜維之衆甘露元年詔曰逆賊姜維連年狡黠民夷騷動西土不寧艾籌畫有方忠勇奮發斬將十數馘首千計國威震於巴蜀武聲揚於江岷今以艾為鎮西將軍都督隴右諸軍事進封鄧侯分百戶封子忠為亭侯

陳留王景元三年詔祀故軍祭酒郭嘉於太祖廟庭四年鄧艾平蜀下詔曰艾曜威奮武深入虜庭斬將塞旗梟其鯨鯢使僭號之主稽首係頸歷世逋誅一朝而

平兵不踰時戰不終日雲徹席卷蕩定巴蜀雖白起破  
強楚韓信克勁趙吳漢禽子陽亞夫滅七國計功論美  
不足比勳也其以艾為太尉增邑二萬戶封二子亭侯  
各食邑千戶

又詔鍾會曰會所向摧獎前無強敵緘制衆城網羅迸  
逸蜀之豪帥面縛歸命謀無遺策舉無廢功凡所降誅  
動以萬計全勝獨克有征無戰拓平西夏方隅清晏  
其以會為司徒進封縣侯增益萬戶封二子亭侯邑各

千戶

晉武帝泰始二年王沉薨以佐命功武帝方欲委以萬  
機既薨帝素服舉哀賜密器朝服一具衣一襲錢三十  
萬布百疋葬田一頃謚曰元明年帝追思沉勳詔曰夫  
表揚往行所以崇賢垂訓慎終紀遠厚德興教也故散  
騎常侍驃騎將軍博陵元公沉蹈禮居正直心清粹經  
綸墳典才識通治入歷常伯納言之位出幹監收方獄  
之任內著謀猷外宣威畧建國設官首登公輔兼統中



朝出納大命實有翼亮佐世之勳其贈沈司空公以寵靈既往使沒而不朽又前以翼贊之勳當受羣臣之封而固辭懇至嘉其讓德不奪其志可以郡公官屬送葬咸寧元年詔論次功臣將配饗宗廟所司奏故太傅鄭冲太尉荀顛司徒石苞司空裴秀驃騎將軍王沉安平獻王孚等及太保何曾司空賈充太尉陳騫中書監荀勗平南將軍羊祜齊王攸等十二人皆銘功太常配饗

清廟

惠帝太安初議郎周玘起義兵破妖賊張昌石冰等徐揚並平又陳敏反於揚州以玘為安豐太守四品將軍玘稱疾不行密遣使告鎮東將軍劉準令發兵臨江已為內應與顧榮甘卓等以兵攻敏敏衆奔潰追獲斬之又吳興錢璿反玘復率合鄉里義衆討璿斬之傳首建康玘三定江南開復王畧帝嘉其勳以行建威將軍吳興太守烏城縣侯帝以玘頻興義兵勳誠並茂乃以陽羨及長城之西鄉丹陽之永世別為義興郡以彰其功

馬懷帝未顧榮卒帝臨喪盡哀欲贈榮依齊王功臣格  
吳郡內使殷佑上箋論榮之功曰昔賊臣陳敏憑寵籍  
擢滔天作亂兄弟姻婭盤固州郡威逼士庶以為臣僕  
于時賢愚計無所出故散騎常侍安東軍司嘉興伯顧  
榮經德體道謀猷宏遠忠貞之節在困彌厲崎嶇艱難  
之中逼迫姦逆之下每惟社稷發憤忼愾密結腹心同  
謀致討信著羣士名冠東夏德聲所振莫不響應荷戈  
駿奔其會如林榮乃躬當矢石為衆率先忠義奮發忘

家為國歷年逋寇一朝土分兵不血刃蕩平六州勳茂  
上代義彰天下伏聞論功依故大司馬齊王格不在帷  
幕密謀參議之例下附州征野戰之比不得進爵拓土  
賜拜子弟遐邇同嘆江表失望齊王親則近屬為方嶽  
仗節握兵都督近畿外有五國之援內有宗室之助稱  
兵彌時役連天下元功雖建所喪亦多榮衆無一旅任  
非藩翰孤絕江外王命不通臨危獨斷以身殉國官無  
一金之費人無終朝之勞元惡既殄高尚成功封閉倉

廩以俟大軍故國安物阜以義成俗今日霸圖事舉未  
必不繇此而隆也方之於齊強弱不同優劣亦異至於  
齊府參佐扶義助強非創謀之主皆賜班受瑞或公或  
侯榮首建密謀為方面盟主功高元帥賞卑下佐上虧  
經國紀功之班下孫忠義授命之士夫孝積幽明王教  
所崇况若榮者濟難寧國應天先事歷觀古今未有立  
功若彼酬報如此者也繇是贈榮侍中驃騎將軍開府  
儀同三司謚曰元

愍帝初為秦王索綝立王為皇太子及即尊位綝遷侍  
中大僕以首迎大駕昇壇受璽之功封弋居伯尋詔曰  
朕昔遇厄運遭家不造播越宛楚爰失舊京幸宗廟寵  
靈百辟宣力得從藩衛託乎羣公之上社稷之不隕實  
公是賴宜贊百揆傳弼朕躬其授衛將軍領太尉位特  
進軍國之事悉以聞之

明帝時紀瞻為領軍將軍王敦之亂帝使謂瞻曰卿雖  
病但為朕卧護六軍賊平復自表還家帝不許固辭不

起詔瞻忠亮雅正識局經濟屢以年者病久逡巡告誠  
朕深明此屯操重高其志今聽所執其以為驟騎將軍  
常侍如故服物制度一案舊典遣使就拜止家屬為府  
瞻既卒後朝廷論討王舍功追封華榮子降先爵二等  
封次子一人亭侯

成帝時溫嶠薨帝下冊書曰朕以眇身纂承洪緒光闡  
大道化洽時雍至乃狂狡滔天社稷危逼惟公明鑒持  
達識心經遠懼皇綱之不維忿凶寇之縱暴唱率羣后

五州響應首啟戎行元惡受馘王室危而復安三光幽  
而復明功格宇宙勳著八表方賴大猷以拯區夏天不  
憖遺早世薨殂朕用痛悼於厥心夫褒德銘勳先王之  
明典今追贈公侍中大將軍持節都督刺史餘如故賜  
錢百萬布千疋謚曰忠武祠以太牢初葬於豫章後朝  
廷追嶠勳德特為造大墓於元明二帝陵之北陶侃上  
表曰故大將軍嶠忠誠著於聖世勳義感於人神非臣  
筆墨所能稱陳臨卒之際與臣書別臣藏之篋笥時時



省視每一思迷未嘗不中夜撫膺臨飯酸噎人之云亡  
嶠實當之謹寫嶠書上呈伏惟陛下既垂御省傷其情  
旨死不忘忠身沒黃泉追恨國恥獎臣戮力救濟艱難  
使亡而有知抱恨結草豈樂今日勞費之事願陛下慈  
恩傳其移葬使嶠棺柩無風波之危魂靈安於后土詔  
從之後嶠後妻何氏卒子放之便載喪還都詔葬建平  
陵北并贈嶠前妻王氏及何氏始安夫人印綬

却鑿為太尉薨帝朝晡哭于朝堂遣御史持節護喪事

贈賻一依溫嶠故事冊曰惟公道德冲遠體識弘遠忠  
亮雅正行為世表歷位內外勳庸彌著乃者約峻狂狡  
毒流朝廷社稷之危賴公以寧功侔古烈勳邁桓文方  
倚大猷藩翼時艱昊天不吊奄忽薨殂朕用悼于厥心  
夫爵以顯德謚以表行所以崇明軌跡丕揚徽節今贈  
太宰謚曰文成祀以太牢魂而有知嘉茲榮寵

魏詠之字長道早與劉裕遊款及桓玄篡位協贊義謀  
玄敗授建威將軍豫州刺史桓歆寇歷陽詠之率衆擊

走之義熙初進吳國內史卒于官詔曰詠之器宇弘劬  
識局貞隱同獎之誠實銘王府敷績之効垂惠在人奄  
致隕喪惻愴于心可贈太常加散騎常侍其後錄其贊  
義之功追封江陵縣公食邑二千五百戶

後魏道武初尉古真從帝在賀蘭部為賀染干所執傷  
一目古真弟諾少侍帝以忠謹著稱從圍守山諾先登  
傷一目帝嘆曰諾兄弟並毀其目以建功効誠可嘉也  
寵待遂隆除平東將軍賜爵安樂子

于栗磳為冠軍將軍從帝伐中山及趙魏平定帝置酒  
高會謂栗磳曰卿即吾之黥彭大賜金帛

明元在東宮王雒兒給事帳下元紹之逆帝還宮社稷  
獲又雒兒有功焉即位拜散騎常侍詔曰士處家必以  
孝敬為本在朝則以忠節為先不然何以立身於當世  
揚名於後代也散騎常侍王雒兒車路頭等服勤左右  
十有餘年忠謹恭肅久而彌至未嘗須臾之頃有廢替  
之心及至艱難人皆易志而雒兒等授命不移貞操踰

懇雖漢之樊灌魏之許典無以加焉勤而不賞何以獎  
勸將來為臣之節其賜雒兒爵新息公加直意將軍永  
興五年卒贈太尉建平王賜溫明秘器載以輜輶車使  
殿中衛士為之導從帝親臨哀慟者四馬

叔孫俊道武時為獵郎帝即位與元麀渾等拾遺左右  
及朱挺王悅將為大逆俊覺悅遂殺之帝以俊前後功  
重軍國大計一以委之泰常元年卒帝甚痛悼之親臨  
哀慟朝野無不追惜贈侍中司空安城王賜溫明秘器

載以輜輳車衛士導從陪葬金陵于後有大功及寵幸  
貴臣薨贈賻送終禮皆依俊故事無得踰之者

太武時伊馘為振威將軍帝之將討涼州也議者咸諫  
唯司徒崔浩勸帝決行羣臣出後馘言於帝曰若涼州  
無水草何得為國議者不可用也宜從浩言帝善之既  
克涼州帝大會於姑臧謂羣臣曰崔公智計有餘吾亦  
不復竒之馘弓馬之士而所見能與崔同此深可竒顧  
謂浩曰馘智力如此終至公相浩曰何必讀書然後為

學衛青霍去病亦不讀書而能大建勳名致位公輔帝

曰誠如公言

又浩為太常卿時識擊蠕蠕浩贊成策畧太武幸其第如侍中特進撫軍大將軍賞

謀謨之功也帝詔新降高車渠帥數百人賜食酒於前帝指浩浩以示之曰汝曾視此人厄織懦弱手不能彎弓持矛其胸中所懷乃踰于兵甲朕始時雖存征討之意而志慮不自決前後克捷皆此人導吾令至此耳

豆代田為勇武將軍從帝討平涼擊破赫連定得奚斤  
等帝以定妻賜之詔斤膝行受酒於代田勅斤曰全爾  
身命者代田功也

來大千為征北大將軍時吐京胡反以大千為都將討

平之大千在吐京卒喪還停於平城南帝出還見而問  
之左右以對帝悼嘆者良久詔曰大千忠勇盡節功在  
可嘉今聽其喪入殯城內贈司空謚曰莊公子兵顏襲  
爵

奚烏侯以功進爵夷餘公出為虎牢鎮將興光中卒詔  
喪禮依其伯父嘗農王斤故事陪葬金陵

獻文時慕容白曜為征南大將軍攻宋無鹽等戍一旬  
之內頻拔四城威震齊主帝嘉焉詔曰卿搃率戎旅討



除不賓霜戈所向無不摧靡旬日之內剋拔四城韓白之功何以加此雖斗城戍將房崇吉守迷不順危亡已形潰在旦夕宜勉崇威略務存長轡不必窮兵極武以為勞頓

尉元為鎮南大將軍宋沈攸之吳憺公領卒數萬從沂清而進元遣孔伯恭大破賊軍拜元都督徐南北兗州諸軍事鎮東大將軍開府徐州刺史帝詔元曰賊將沈攸之吳憺公驅率蟻衆進寇下邳卿戎昭果毅智勇奮

發水陸邀絕應時摧殄自淮以北廓然清定皆是元帥  
經畧將士効力之所致也朕用嘉之今方欲清蕩吳會  
懸旌秣陵至於用兵所宜形勢進止善加量度動靜以  
聞

孝文以長孫嵩在太武時為太尉北平王薨帝追錄先  
朝功臣以嵩配饗廟庭

又以穆崇自太祖為魏王拜崇征虜將軍從平中原及  
薨命崇立祀子孫世奉焉太和中追錄功臣以崇配饗

崇之孫真尚長城公主卒謚曰宣帝追思崇勳令著作郎韓顯宗與真撰定碑文建於白登山

崔玄伯為周兵將軍疾卒後帝追錄先朝功臣以玄伯配饗廟庭

陸麗在文成時以輔立功遷司徒公為乙渾所害獻文甚惜之謚曰簡王陪葬金陵帝追錄先朝功臣以麗配饗廟庭

薛真度自帝遷雒每獻計於帝勸先取樊鄧後攻南陽

故為帝所賞賜帛一百疋又加持節正號冠軍改封臨  
晉縣開國公食邑三百戶詔曰獻忠盡心人臣令節標  
善之賞有國徽範故一言可以興邦片辭可以喪國得  
無遠錄前謀以褒厥善真度爰自遷京每在戎役河北  
之計常所與聞知無不言頗見采納及六師南邁朕欲  
超據新野羣情皆異真度獨與朕同撫寧蠻夷實有勤  
績可增邑二百戶轉征虜將軍豫州刺史

李崇文成元皇后兄之子也帝南討昏揚靈珍遣弟婆

羅與子雙領騎萬餘襲破武興詔崇都督隴右諸軍討之崇大破之斬婆羅靈珍走奔漢中帝在南陽覽表大悅曰使朕無西顧之憂者李崇之功也以崇為都督梁秦二州諸軍事本軍將軍梁州刺史帝手詔曰今洮隴克清鎮捍以德爾之威惠既宣實為遠寄故勅授梁州用寧邊服便可善思經畧去其可除安其可育公私所患悉令芟夷

任城康王雲孫嵩為武衛將軍從帝伐齊斬獲萬計勇

冠三軍帝大悅而言曰任城康王有大福德文武出其門以功賜爵高平縣侯資帛一千五百匹

高閭為鎮南將軍相州刺史及帝車駕至鄴帝頻幸其州館詔曰閭昔在中禁有定禮正樂之勳作藩於州有庶清公幹之美自大軍停軫庶事成豐可謂國之老成善始令終者也每惟厥德朕甚嘉焉可賜帛五百疋粟一千斛馬一疋衣一襲以褒厥勤

韓顯宗自帝南伐為右軍府長史征虜將軍統軍事次

赭陽南齊成主成公期遣其軍主胡松高法授等并引齊人來擊軍營顯宗親率拒戰遂斬法授首顯宗至新野帝詔曰卿破賊斬帥殊益軍勢朕方攻堅城何不作露布也顯宗曰臣頃聞鎮南將軍王肅獲賊二三驢馬擬足皆為露布臣在東觀私每哂之近雖仰憑威靈得推醜虜兵寡力弱擒斬不多脫復高曳長縑虛張公捷尤而效之其罪彌甚臣所以斂毫卷帛解上而已帝笑曰如卿此勳誠合茅土須赭陽平定簡審相酬新野平

以顯宗為鎮南廣陽王詔議參軍

宣武以王肅自南齊來歸孝文時為將相有大功及薨於壽春帝為舉哀詔曰肅奄至不救痛惋兼懷可遣中書侍郎賈思伯兼通直散騎常侍撫慰厥孤給東園秘器朝服一襲錢三十萬帛一千匹布五百匹蠟三百斤并問其卜遷遠近專遣侍御史一人監護喪事務令優厚又詔曰死生動靜卑高有域勝達所居存已崇顯故杜預之歿寔於首陽司空李冲覆舟是託顧瞻斯所誠



亦二代之九原也故揚州刺史肅誠義結於二世英會  
符於李杜平生本意願終京陵既有宿心宜遂先志其  
令葬於冲預兩墳之間使之神遊相得也贈侍中司空  
邢巒為安東將軍大破梁兵帝賜巒璽書曰知大戡醜  
虜威振賊庭淮外霧披徐方盭卷王畧遠恢混一維始  
公私慶泰何快如之賊衍此舉實為傾國比者宿豫陷  
歿淮陽嬰城凶狡侮張規抗王旅將軍忠規協著火烈  
霜推雷動岱陽風掃沂嶧遂令逋誅之寇一朝殲夷元

鯨大憇千里折首殊勳茂捷自古莫二但揚區未安餘  
燼宜盪乘勝掎角勢不可遲便可率厲三軍因時經畧  
申威東南清彼江介忘此疲勞用圖永逸進退規度委  
之高筭

後周太祖河橋之戰馬中流矢墜地都督李穆以馬授  
帝遂得俱免擢授武衛將軍加大都督車騎大將軍儀  
同三司進爵安武郡公增邑一千七百戶前後賞賜不  
可勝計久之帝美其忠節乃嘆曰人之所貴唯身命耳

李穆遂能輕身命之重濟孤於難雖復加以爵位賞之玉帛未足為報也乃特賜鐵券恕以十死進驃騎大將軍開府儀同三司侍中初穆授帝以驄馬其後中庶有此色馬者悉以賜之穆為并州摠管長子惇授車騎大將軍儀同三司大都督進爵為公帝令功忠世子並與畧陽公遊處惇於時輩之中特被引接每有遐方服玩異域珍竒無不班錫低授小武伯進爵安樂郡公高琳為衛將軍從擒莫多婁貸文仍戰河橋琳先驅奮

擊勇冠諸軍帝嘉之謂之曰公即我之韓白也

赫連達字朔周盛樂人勃勃之後曾祖庫多汗因避難改姓杜氏初從賀拔岳西征及岳為侯莫陳悅所害達

馳請帝引軍平悅帝謂諸軍曰當清水公

清水公即賀拔岳也

遇

禍之時君等性命懸於賊手雖欲來告其路無從杜朔周冒萬死之難遠來見及遂得共盡忠節同雪讐恥雖藉衆人之力實賴杜子之功勞而不賞何以勸善乃賜

馬二十匹

宇文貴為大將軍破支羌於粟坂帝美其功遂於粟坂立碑以紀其績

趙昶自以被拔擢居將帥之任傾心下士虜獲氐羌撫而使之皆為昶盡力帝曰不煩國家士馬而能威服氐羌者趙昶有之矣

明帝武成二年十二月辛巳以功臣琅琊貞獻公賀拔勝等十三人配饗太祖廟庭

武帝以韋孝寬立勳玉壁遂於玉壁置勳州刺史又以

孝寬為驃騎大將軍鎮玉壁後帝東伐過幸玉壁觀禦敵之所深嘆美之移時乃去

宇文慶深沉有器局屬文州民夷相聚為亂慶應募從征賊保據巖谷征路懸絕慶以馬而進襲破之以功授都督從帝拔晉州及破高緯拔高壁克并州下信都擒高楷功並居最帝詔曰慶勳庸早著英望華遠出內之績簡在朕心戎車自西俱總行陣東夏蕩定實有茂功高位緝禮宜崇榮冊於是進位大將軍封汝南郡公邑

千六百戶

冊府元龜卷一百三十二

欽定四庫全書

冊府元龜卷一百三十三 宋 王欽若等 撰

帝王部

褒功第二

隋高祖受禪周法尚為巴州刺史破三鴟叛蠻於鐵山  
復從柱國王誼擊走陳寇遷衛州總管四州諸軍事改  
封譙郡公邑三千戶後帝幸雒陽召之及引見賜金鈿  
酒鍾一雙綵五百段良馬十五匹奴婢三百口給鼓吹



一部法尚固辭帝曰公有大功於國特給鼓吹者欲令公卿聞知朕之寵公也固與之

宇文忻從韋孝寬平尉遲迥帝顧謂忻曰尉遲迥傾山東之衆連百萬之師公舉無遺策戰無全陣誠天下之英傑也進封英國公增邑三千戶

賀婁子幹初為後周秦州刺史及尉遲迥作亂子幹與宇文從錄韋孝寬討之遇賊圍懷州子幹與宇文述等擊破之帝乃大悅手書曰逆賊尉遲迥敢遣蟻衆作寇

懷州公受命誅討中書令南陽郡公袁恕已等並德惟神  
降材與運生道叶台嶽名書識緯寅亮帝載勤勞王家  
參復禹之嘉謀奉昇唐之景命惟祖謝易久而勳烈益  
彰撫彝鼎以念功想旂常而增感緬遵故實用表徽懿  
俾列在清廟登於明堂克申從祀之儀式茂疇庸之典  
並可配饗中宗孝和皇帝廟庭

十年十一月丙申朔方郡節度使兵部尚書信安郡王  
禕破突厥凱旋引將士等見帝置酒享之勅曰禕總戎

朔陞經畧萬里賦軍籍車精卒銳兵自其有虞莫不素練而醜虜背誕偏師致誅謀若有神取如俯拾雖廟畧之云遠亦將士之力焉威武載揚頑凶自懾窮寇覆巢以奔北羣師掉鞅而來歸因其凱旋聊加宴樂各宜坐飲相與盡歡

十二年隴右節度使鄆州都督王君奭破土蕃米獻戎捷帝置酒於內殿享之謂曰卿能振國威恢邊破敵誠節既著俘獲又多疇庸策勳已有處分卿及將士等並

宜飲宴兼有賜物各宜領取

韓擒虎平金陵執陳後主叔寶時賀若弼亦有功帝下  
詔於晉王曰此二公者深謀大畧東南逋寇朕本委之  
靜地恤民悉如朕意九州不一已數百年以名臣之功  
成太平之業天下盛事何用過此聞以忻然實深慶快  
平定江表二人之力也賜物萬段又下優詔於擒虎弼  
曰中國威於萬里宣朝化於一隅使東南之民俱出湯  
火數百年之寇旬日廓清專是公之功也高名塞於宇

宙盛業光於天壤  
逖聽前古罕聞其匹  
班師凱入誠知  
非遠相思之甚寸陰若歲

賀若弼字輔伯平陳之役為行軍總管晉王以弼先期  
決戰違軍命於是以弼屬吏帝驛召之及見迎勞曰克  
定三吳公之功也命登御坐賜物八千段加位上柱國  
進爵宋國公真食邑三千戶加以寶劍寶帶金甕金盤各一  
并雉尾扇曲蓋雜絲二千段女樂二部又賜陳叔寶妹  
為妾拜右領軍大將軍

王韶字子相伐陳為元帥府司馬及克金陵帝謂公卿  
曰晉王以幼推出藩遂能克平吳越綏靜江湖子相之  
力也於是進位柱國賜奴婢三百口綿絹五千段

達奚長儒為上大將軍破突厥沙鉢略可汗帝下詔曰  
突厥猖狂輒犯邊塞敵騎之衆彌亘山原而長儒受任  
北鄙式遏寇賊所部之內少將百倍以晝通宵四面抗  
敵凡十有四戰所向必摧兇徒就戮過半不返鋒刃之  
餘亡魂竄迹自非英威奮發奉國情誠撫御有方士卒

用命豈能以少破衆若斯之偉言念勳庸宜隆名器可  
上柱國餘勳迴授一子

李安為揚素司馬仍領行軍總管襲破陳師帝嘉之詔  
書勞曰陳賊之意自言水戰為長險隘之間彌謂官軍  
所憚開府親將所部夜盪舟師摧破賊徒生擒虜衆益  
官軍之氣破賊人之膽副朕所委任以勳進位上大將  
軍除郢州刺史

元諧為行軍元帥討吐谷渾名王公侯來降帝大悅下

詔曰褒善疇庸有聞前載元諧識用明達神情警悟文  
規武畧譽流朝野申威拓土功成疆場深謀大節實簡  
朕心加禮延世宜隆賞典可柱國別封一子縣公諧拜  
寧州刺史

韋冲為南寧州總管持節撫尉冲既在南寧渠帥爨震  
及西爨首領皆詣府參謁帝大悅下詔褒揚之

豆盧毓為漢王諒府主簿諒作亂毓苦諫不從見害諒  
平帝下詔曰褒顯名節有國通規加等飾終抑惟令典



毓深識大義不顧姻親出於萬死首建奇策去逆歸順  
殉義亡身追加榮命宜優常禮可贈大將軍封正義縣  
公賜帛二千疋謚曰愍

衛玄與代王留守京師會王玄感圍逼東都玄率步騎  
七萬援之苦戰賊稍却既而玄感西遁玄遣斛斯萬善  
監門直閣龐玉追之及於閩鄉與宇文述等合擊破之  
車駕至高陽徵詣行在所帝勞之曰社稷之臣也使朕  
無西顧之憂仍下詔曰近者妖氛充斥擾動關河文昇

率勵義勇應機響赴表裏奮擊摧破兇醜宜昇榮命式  
弘賞典可右光祿大夫賜以良田甲第資物鉅萬

樊子蓋為東都留守楊玄感作逆來逼王城盡銳攻城  
不能克車駕至高陽追詣行在所既而引見高祖逆勞  
之曰昔高祖留蕭何於關西光武委寇恂以河內公其  
人也子蓋謝曰臣任重器小寧可竊譬兩賢但以陛下  
威靈小盜不足除耳進位光祿大夫封子蓋建安侯尚  
書如故賜緡二千匹女樂五十人子蓋固讓優詔不許

後車駕還東都帝謂子蓋曰玄感之反神明故以彰公赤心耳折珪進爵宜有令謨是日下詔進爵為濟公言其功濟天下特為立名無此郡國也賜緡三千匹奴婢二十口後與蘇威宇文述陪宴積翠亭帝親以金杯屬子蓋酒曰良筭嘉謀侯公後動即以此杯賜公用為永年之端并綺羅百匹

麥鐵杖為右屯衛大將軍遼東之役與賊戰死帝為流涕購得其屍下詔曰鐵杖志氣驍果宿著勳庸陪魔問

罪先登陷陣節高義烈身殞功存興言至誠追懷傷悼  
宜賴殊榮用彰飾往可贈光祿大夫宿國公諡曰武烈  
子孟才嗣尋授光祿大夫孟才有二弟仲才季才俱拜  
正議大夫賜贈鉅萬賜輜輶車給前後部羽葆鼓吹平  
壤道敗將宇文述等百餘人皆執紼王公已下送至郊  
外

揚恭仁大業初轉吏部侍郎揚玄感作亂帝詔恭仁率  
兵經畧與玄感戰於破陵大敗之玄感兄弟挺身遁走

恭仁又與屈突通等追討獲之軍旋帝召入殿內謂曰  
我聞破陵之陣唯卿力戰功最比雖知卿奉法清慎都  
不知勇決如此也納言蘇威曰仁者必有勇固非虛也  
張須陁大業中為齊郡丞賊帥王薄聚結數萬人寇掠  
郡境須陁擊破之露布以聞帝大悅優詔褒揚使者圖  
其形容而奏之

唐高祖武德元年八月下詔曰朕自起兵晉陽遂登皇  
極經綸天下實仗羣才尚書令秦王世民尚書右僕射

寂或契合元謀或同心運始並陷義輕生捐家殉節艱  
辛備履金石不移論此忠勤特宜優異官爵之榮抑惟  
舊典勳賢之議宜有別恩其犯罪非叛逆可聽恕一死  
其太原元謀勳效者宜以名聞及所司進簿裴寂劉文  
靜如恕二死長孫順德劉孔基趙文恪竇瑋劉政會劉  
世龍殷開山柴紹唐儉武士護張平高許世緒李思行  
李高遷並恕一死

李襲譽少通敏有識度隋末為冠軍府司兵時陰師輔

代王為京師留守所在多盜賊陰師遣襲譽募山南士  
馬以援京師襲譽既至漢中會帝已定長安遣使授襲  
譽蜀漢道招慰大使仍令承制封拜襲譽率漢川之衆  
西指成都屬段綸為益州總管代襲譽招撫襲譽乃入  
拜右光祿大夫太府少卿帝嘉其功命為三從姪詔曰  
安康郡王襲譽我之同姓派別枝分惟厥祖考世敦恭  
睦襲譽部率宗人協同義舉立功巴蜀誠節開基宜有  
褒榮用超階序特聽合譜宗正恩禮之差同諸服屬

劉瞻為涪州刺史時劉武周連年為寇隣城多陷賊數  
攻之輒為瞻所敗帝下書勞之曰涪州之全卿之力也  
功績垂成念自勗勵富貴之事非卿而誰

馬三寶本柴紹家僮奉平陽公主遁於司竹及義兵濟  
河三寶以衆數萬詣軍後領平道軍將嘗從韋司竹帝  
顧謂三寶曰是汝建英雄處邪衛青大不惡

太宗貞觀初代州行軍總管李靖撫納降附突厥頡利  
可汗歸款太宗嘗謂之曰昔李陵提步卒五千不免身



降匈奴尚得書名竹帛卿以三千輕騎深入虜庭克復

定襄威振北狄古今未有足報往年渭水之役也

武德九年

八月帝初即位突厥入寇至渭水帝與頡利盟於便橋突厥引兵而退

五年季子和從太宗平劉黑闥陷陣有功賜姓李氏拜

右武衛將軍

七年右武衛將軍張士貴破反獠而還帝勞之曰聞公親蒙矢石為士卒先雖古名將何以加也况朕嘗聞以身報國者不顧性命但聞其語未覩其實於公方見之

矣

十二年四月左武衛大將軍秦叔寶卒贈徐州都督陪  
葬于昭陵令所司于其塋內立石人馬以旌戰陣之功  
馬

十三年特進楊恭仁卒冊贈開府儀同三司潭州都督  
陪葬昭陵謚曰孝

十四年詔淮安王神通與河間王孝恭贈陝州大行臺  
右僕射鄔節公殷開山贈民部尚書渝襄公劉政會配

饗高祖廟庭

十六年宇文士及卒初士及為右衛大將軍尋錄其功別封一子為新城縣公在職七年復為殿中監加金紫光祿大夫及疾篤太宗親問撫之流涕及卒贈左衛大將軍涼州都督陪葬昭陵

十七年二月戊申詔曰自古皇王褒崇勳德既勒銘於鍾鼎又圖形於丹青是以甘露良佐麟閣著其美建武功臣雲臺紀其迹司徒趙國公無忌司空揚州都督河

間王孝恭故司空葉文成公如晦故司空相州都督太子太師鄭文貞公徵司空梁國公玄齡開府儀同三司尚書右僕射申國公士廉開府儀同三司鄂國公敬德特進衛國公靖特進宋國公瑀故輔國大將軍夔國公弘基故尚書左僕射蔣忠公通故陝東道大行臺尚書左僕射耶節公開山故荊州都督譙襄公紹故荊州都督邳襄公順德雒州都督鄆國公張亮光祿大夫吏部尚書潞國公侯君集故左驍衛大將軍剡襄公張謹左領

軍盧國公程知節故禮部尚書永興文懿公虞世南故  
戶部尚書渝襄公劉政會光祿大夫戶部尚書莒國公  
唐儉光祿大夫兵部尚書英國公李勣故徐州都督胡  
壯公秦叔寶等材惟棟樑謀猷經遠綱紀帷帳經綸霸  
圖或學綜經籍得範光煒隱犯同致忠謹日聞或竭力  
義旗委質藩邸一心表節百戰標奇或受賑廟堂闢土  
方面重氛載朗王畧遐宣並契闕屯夷劬勞師旅贊景  
業於草昧翼淳化於隆平茂績嘉庸冠冕列辟昌言直

道牢籠搢紳固以瞻伊呂而連衡邁周召而長驚者矣  
宜酌故實弘茲令典可並圖畫于凌煙閣庶念功之懷  
無謝於前載旌賢之義永貽于後昆

二十年八月丁亥詔曰周室姬公陪于畢陌漢庭蕭相  
附彼高園寵錫墳塋聞諸上代從窆陵邑信有舊章蓋  
以懿戚宗親類本同之枝幹元功上宰猶在身之股肱  
哀榮之義實隆始終之契斯允今宜聿遵故實取譬拱  
辰庶在烏耘之地無虧魚水之道宜令所司于昭陵南

左右廂封境取地仍即標誌壇域擬為葬所以賜功臣  
其有文祖陪陵子孫欲來從葬者亦宜聽允

丘行恭為光祿大夫從討王世充會戰于卬山之上太  
宗欲知其虛實雖弱乃與數十騎衝之直出其後衆皆  
披靡莫敢當鋒所殺傷甚衆既而限以長隄與諸騎相  
失唯行恭獨從尋有勁騎數人追及太宗矢中御馬行  
恭乃迴騎射之發無不中行恭然後下馬拔箭以其所  
乘馬進太宗行恭于御馬前步執長刀巨躍大呼斬數

人突陣而出入大軍貞觀中有詔刻石為人馬以象行  
恭拔箭之狀立于昭陵門前

郭孝恪武德中為宋州刺史令與徐勣經營武牢已東  
所得州縣委以選補其後竇建德率眾來援王世充孝  
恪于青城宮進策于太宗曰世充日蹙月迫力盡計窮  
懸首面縛翹足可待建德遠來助虐糧運阻絕此是天  
喪之時請固武牢屯軍汜水隨機應變則易為尅殄帝  
然其計及破建德平世充帝于雒陽置酒高會謂諸將



曰郭孝恪謀禽建德之業王長光龍門下米之功皆出諸人之右也

長孫無忌為司空太宗追思王業艱難佐命之力乃作威鳳賦以賜焉又嘗謂無忌曰朕即位之初上書者或言人主必須權威獨運不得委任羣下或欲耀兵振武懾服四夷唯有魏徵勸朕偃草興文布德施惠中國既安遠人自服朕從其語天下大寧絕域君長皆來朝貢九夷重譯相望于道此皆魏徵之力也

河間王孝恭自隋大業末羣虎競起皆為太宗所平謀  
臣猛將並在麾下罕有別立勳庸惟孝恭著方面之功  
聲名甚盛及卒太宗素服舉哀哭之甚慟贈司空揚州  
都督陪葬獻陵謚曰元配享高祖廟庭

楊弘禮為兵部侍郎專典兵機之務太宗征遼弘禮入  
參謀議出則統衆攻戰駐蹕之陣領馬步二十四軍出  
其不意以擊之所向摧破太宗自山上見弘禮所統之  
衆人皆盡力殺獲居多甚壯之謂許敬宗等曰越公兒

郎故有家風矣高宗嗣位詔與長孫無忌配饗太宗廟庭

李勣為司空初貞觀中太宗以勣勲庸特著嘗圖其像于凌煙閣至是高宗又命寫形焉仍親為之序勣嘗侍從墜馬帝親問以所乘馬賜之後勣寢疾詔以勣弟晉州刺史弼為司衛正卿使得視疾尋薨帝為之舉哀輟視朝七日謚曰貞武給東園秘器陪葬昭陵令司平太常伯楊昉攝司員正卿監護及葬帝幸未央故城登樓

臨送望柳車慟哭并為設祭皇太子亦從駕臨送哀慟  
悲感左右詔百官送至故城西所築二墳一准衛霍故  
事象陰山鐵山及烏得鞬山以旌破突厥薛延陀之功  
顯慶三年十二月鄂國公尉遲敬德卒許敬宗奏請加  
贈帝曰敬德功業誰之儔也對曰武德末年二兇搆亂  
經綸中興之業能致宗廟之安有敬德功當第一太尉  
無忌曰敬德早從征伐勳庸茂著貞觀之初特効殊績  
比諸將帥超越等倫李靖南定荆吳北平突厥外內之

事雖別論其勳効實宜相准帝以為然為之舉哀廢朝三日令京官五品已上及朝集使赴哭冊贈司徒賜東園秘器陪葬昭陵

儀鳳中司列少常伯安撫大食使裴行儉擒偽可汗都之及李遮旬還帝賜宴謂行儉曰卿文武兼資今都授卿二職即日拜禮部尚書兼檢校右衛大將軍

中宗神龍元年十一月襄州刺史漢陽郡王張柬之抗表請辭王位帝不許因下書曰卿履謹尚遜忌盈戒滿

詞旨勤勤請謝王位然懸爵所以勸善申至公也裂土所以酬庸非徇私也故漢德之盛異姓而王者八人魏祚之隆同功而邑者千戶今卿列爵之貴未越于漢圖食邑之豐纔半于魏制而遠形簡牘一何其也朕承三代之丕業荷七廟之威靈惟唐據承祧之尊于周保元良之重至於復予休命配天大業雖厯數有歸亦謳謨所繼然狐鼠不掘終貽城社之憂頑兇未夷實負朝廷之懼卿誠亮白日忠勵秋霜懷直道以立身固一心而

徇國自三兇構患潛圖不軌惡迹初彰釁萌始露卿之  
大節義在不虧烈士之首期于必碎及難作宮禁禍生  
肘腋卿上叩天命外發兵符行正郊之戮既于兩觀磔  
蚩尤之屍俄成四冢曾不延畧鬱成大功分壤錫珪固  
其宜矣行當勉以自愛享此眉壽乘几杖之榮極鄉園  
之樂崇讓小節念勿為也

睿宗初即位下詔曰尚書右僕射同中書門下三品監  
修國史許國公蘇瓌自周旋近密損益樞機謨猷有成

弼贊無忌頃者遺恩顧託先意昭明奸回動搖內外危  
逼獨申謙議實挫邪謀况藩邸寮屬念殷惟舊無德不  
報抑惟令典可尚書左僕射

景雲二年冬十月甲辰以吏部尚書劉幽求為侍中降  
璽書曰頃者王室不造中宗厭代內戚專政姦臣擅國  
將頃社稷幾遷龜鼎朕與王公皆將及于禍難卿見危  
思奮在變能通翊贊儲君叶和義士殄滅元惡流放凶  
徒我國家之復存繫茲是賴厥庸甚茂朕用嘉焉故委



卿以鈞軸胙卿以茅土然征賦未廣寵錫猶輕昔西漢行封更擇多戶東京朕賞復增大邑故加賜卿實封二百戶兼舊七百戶使夫高岸為谷長河如帶子子孫孫與國無絕又以卿忘軀徇難宜有恩榮故特免十死並書諸金鐵俾傳之後卿其保茲功業永作國禎可不美哉

太極元年四月詔曰朕聞御宸極握靈圖為天下之尊居域中之大者上以奉宗廟下以育黎元迹宜彰于簡

編事須聞于朝野朕高宗少子特蒙慈愛顧復之至禮  
絕諸王運屬上僊遭家難未嗣歷中宗出藩大聖天后  
臨朝以權立朕為嗣朕自惟虛薄固讓中宗誠願上從  
用寧社稷比居藩邸深嘉清閑不意景龍之間先帝暴  
棄天下凶族潛計謀覆邦家高祖之業幾墜于地皇太  
子隆基忠孝天感仗義行誅一夕之間戡定禍難朕當  
宿夕初不聞知及見事平且悲且慰方與四海同奉嗣  
君子溫王幼冲頻屬艱疚因發警悸日夜啼號因以先

聖立朕為太弟之意令鎮國太平長公主諫議大夫薛  
稷等奉承先旨朕固誠請至于再三乃使中書舍人蘇  
頤奉表陳乞襄王便不肯視事避于別宮中外皇皇莫  
知所向隆基鎮國太平長公主成器範業薛稷劉幽求  
麻嗣宗等以為宗廟不可無主萬機不可暫曠且從人  
望因定策禁中朕又固辭僉謀卿士得蕭至忠崔湜韋  
嗣立趙彥昭麻嗣宗薛倣鄭萬均唐駿等同詞勸進以  
為幼主之心既不可奪先聖之旨固不可違事不獲已

乃順衆望要盟之言其文猶在朕纂承洪業于今三年  
謂宗廟郊天大禮斯備永惟所以獲奉宗禋臨兆人者  
蓋非朕之本心實乃鎮國太平長公主皇太子諸王郡  
公之意也雖顛顛之誠四海同望然因此致力在此數  
人已依西漢舊章各酬其德董狐執筆闕而未書宜勅  
左右編于史冊

玄宗先天元年封魏知古為梁國公初竇懷貞等將謀  
逆也知古獨密奏其事及懷貞誅賜實封二百戶物五

百段仍以前賞猶薄又手勅曰魏知古去年七月已前屢申啟沃每竭忠誠姦臣有謀先奏其兆事君之忠良可嘉嘆可更賜實封一百戶

開元二年六月丁卯北庭大都護濟海軍使阿史那獻泉都擔首獻于闐下并擒其孥及胡祿等部落五萬餘帳內屬帝降書謂獻曰十姓部落比多款附最爾都擔敢為背誕以卿忠果令其討伐遂斬首喪元并兒及妻兼復胡祿屋闕啜等五萬餘帳壺漿塞陌襁負而來自

非信著遠蕃何以翕然至此邊陲寧謐繁卿是賴雖鄭  
吉之護南道班超之臨西域無以過焉言念勤勞豈忘  
鑒寐

是年又詔曰疇庸賞善百王攸先追遠飾終千載同德  
故尚書左丞相太子少傅贈司空荊州大都督許國文  
貞公蘇瓌履正體道方外直內悉心奉上卑身率禮叶  
贊帷幄三朝有鹽梅之任燮諧台衮九命為社稷之臣  
先朝晏駕釁起宮掖國擅稱制之姦人懷綴旒之懼凶

威孔熾宗祀幾傾顧命遺恩太皇輔政逆臣刊削韋氏  
臨朝遂能首發昌言侃然正色列諸視聽暴于朝野松  
檟已遠風烈猶存緬懷誠節良深耿嘆可賜實封一百

戶

至四年命與徐國公  
幽求配享唐宗廟庭

三年二月郭虔瓘為北庭都護累破吐蕃及突厥默啜  
斬獲不可勝計以其俘來獻玄宗置酒勞之及將士等  
並賜帛手詔謂曰默啜殘兇屈強邊徼吐蕃小醜孤負  
聖恩我國家豫在懷柔未遑吊伐而乃敢肆蜂蠆屢犯

疆陲虔瑾心蘊六奇折衝千里追奔邁於三搜受降逾  
於萬計建功若此朕實嘉之

六年六月丁亥詔曰凡有功者銘書于王之太常祭于  
大烝司勳詔之允所謂疇庸紀勞頌賞旌善藏于天府  
享于廟庭臣哉隣哉其道光也故尚書左僕射太子少  
傅贈司空荊州大都督許文貞公瓌閑邪存誠允迪厥  
德故尚書右丞相太子少保擢州刺史徐國公幽求聞  
義盡節克茂乃勳並儀刑羣后左右厥辟直道罔缺危



言孔臧景雲末年邦國多難愷悌君子服勞王家或親  
受顧託以安劉氏或潛圖翼贊願奉唐侯績乃舊服協  
于先契弘濟弼亮厥猷茂焉俾台小子嗣守文武之業  
獲奉宗廟之靈實資元輔是敬末命茲予大亨於先王廟  
祖其從祀以配我有唐之休烈並可配享睿宗大聖真  
皇帝廟庭又詔曰皇興肇建必有輔佐之臣天步艱難  
爰仗經綸之業故侍中譙國公桓彥範故侍中平陽郡  
公敬暉故中書令兼吏部尚書漢陽郡公張柬之故特

進博陵文貞公崔玄暉故中書令南陽郡公素恕已  
等並德惟神降材與運生道叶台嶽名書識緯寅亮帝  
載勤勞王家參復禹之嘉謀奉昇唐之景命雖祖謝已  
久而勳烈益彰撫彝鼎以念功想旂常而增感緬遵故  
實用表徽懿俾列在清廟登于明堂克申從祀之儀式  
茂疇庸之典並可配享中宗孝和皇帝廟庭

十年十一月丙申朔方軍節度大使兵部尚書信安郡  
王祿突破厥凱旋引將士等見帝置酒享之勅曰祿搃

戎朔陞經畧萬里賦軍籍馬精卒銳兵自其有虞莫不  
素練而醜虜背誕偏師致誅謀若有神取如俯拾雖廟  
畧之云遠亦將士之力焉威武載揚頑凶且懾窮寇覆  
巢以奔北羣師掉鞅而來歸因其凱旋聊加宴樂各宜  
坐飲相與盡歡

十二年隴右節度使鄯州都督王君真破吐蕃來獻戎  
捷帝置酒于內殿享之謂曰卿能振國威恢邊破敵誠  
節既著俘獲又多疇庸策勳已有處分卿及將士等並

宜飲燕兼有賜物各宜領取

十七年三月瓜州刺史墨離軍使張守珪沙州刺史賈  
順文大破吐蕃帝降書謂守珪曰吐蕃小寇干我邊鄙  
頻經喪師竟不悛懲卿等卓懷勇烈久司戎旅各効忠  
誠暗申計畧遠聞決勝加慰良深守珪及思順並宜賜  
紫其立功人敘錄具狀奏聞必要據實勿使踰濫今內  
出緋紫袍卿等領取量功分賞其被傷人仍給醫藥使  
得安全陣亡人具名錄奏當加優贈

天寶六載正月南郊禮畢詔太廟配享功臣高祖太室加裴寂劉文静太宗室加長孫無忌李靖杜如晦高宗室加褚遂良高季輔劉仁軌中宗室加狄仁傑魏元忠王同皎文武之道既惟並用宗敬之儀不可獨闕

肅宗至德二年十月郭子儀既復東都加司徒封代國公實封一千戶尋來朝兵仗迎于灞上帝見之曰雖吾家國實卿再造之子儀頓首謝恩加中書令

乾元二年二月丁未郭子儀破逆賊執其將車昂獻俘

于朝徇于東西兩市而斬之御製郭子儀李光弼苗晉卿李麟李輔國考詞

代宗寶應元年五月丁酉詔文武官應在凌霄門內謁見者并飛龍射生等並宜加寶應功臣七月乙巳射生使李惟誥藥子昂步軍使彭體盈張知節並賜名寶應功臣八月壬戌殿中少監專知尚食李恕宜賜為寶應功臣

二年七月上尊號大赦河北副元帥懷恩河東副元帥

光弼幽州節度懷僊李抱玉郭英又辛雲京侯希逸田  
神功孫志直白孝德令狐彰李寶臣薛嵩田承嗣張獻  
誠魚朝恩程元振僕固瑒高彥崇渾日進李建義李光  
逸楊崇光李懷光張如嶽白元光溫如雅拓跋澄泌高  
暉盧欽文成惟良曹楚玉等各賜鐵券以名藏太廟畫  
畫像於凌煙之閣并寇難已來將相勳業多者其名籍  
圖畫亦准此

廣德元年吐蕃陷京師乘輿東幸郭子儀至吐蕃乃退

代宗還京師見子儀曰用卿不早遂及於是乃賜鐵券  
圖形凌煙閣

德宗建中元年十二月丁酉令詳定國初已來將相功  
臣名跡崇高功效明著者為二等擬一百八十七人武  
德已來宰相以房玄齡杜如晦蕭瑀高士廉魏徵王珪  
戴胄岑文本馬周劉洎褚遂良于志寧張行成高季輔  
韓瑗米濟張文瓘郝處俊李義琰裴炎蘇良嗣狄仁傑  
婁師德王方慶王及善魏元忠姚崇朱敬則蘇瓌宋璟



魏知古陸象先蘇頲張嘉貞李元紘韓休張九齡三十  
七人為上等竇威陳叔達等四十人為次等功臣以裴  
寂劉文靜長孫無忌河間孝王恭李勣尉遲敬德屈突  
通殷開山劉弘長孫順德唐儉柴紹段志玄劉政會張  
公瑾程知節秦叔寶虞世南李傑張柬之崔玄暉桓彥  
範袁恕已張仁愿收暉劉幽求崔日用郭元振張說王  
琚王俊三十四人為上等淮安王神通等五十人為次  
等至德已來將相既歿者以裴冕房琯杜鴻漸李嗣業

劉正臣顏杲卿袁履謙張巡許遠盧奕南霽雲十一人  
為上等李光弼等十五人為次等

二年十二月詔曰忠臣之事君也願隲家以奉國良將  
之養士也或均材以周惠爰自古昔其儔益鮮故竇嬰  
陳金于廟廡趙奢散財于部曲皆受之天府不取私門  
猶能垂名史冊遺芳千載而况執上將之旗鼓率先登  
之士卒將行命賞罄乃家財上以彰憂國之誠下以竭  
奉公之效不有褒美孰旌忠賢河東節度使馬燧誠美

夙著宏畧載宣克揚經武之規實重安人之寄屬河朔  
干紀磁邢當寇而能忠義奮發奉辭問罪出師之際宣  
布明誠誓將貲產分給戰士故得三軍之衆相與感激  
百勝之績於茲競勸朕當遂其懇懷以成厥美殊常之  
跡古人所難舉而行之用明信賞仍班王府之貨式表  
忠臣之節宜令度支出錢充給將士其馬燧家資並却  
還之

興元元年四月帝在梁州詔諸軍從奉天隨從將士並

賜為元從奉天定難功臣從轍口已來隨從將士賜名  
元從功臣

六月副元帥李晟討朱泚既收復京城以露布聞帝覽  
之感泣百官皆出涕因上壽稱萬歲曰李晟虔奉聖謨  
盪滌凶逆然古之樹勳乃復都邑者往往有之至於不  
驚宗廟不易市肆長安人不識旗鼓安堵如初三代已  
來未之有也帝笑曰天生李晟為社稷萬人不為朕也  
百官再拜而退拜晟司徒賜永寧里第及涇陽上田延

平之門林園女樂八人晟入所賜永寧里甲第帝令宰  
相及諸將會送是日特賜京兆府供饌具鼓吹迎導集  
宴京師以為榮觀女樂八人及銀綵噐等又令太常教  
坊備樂

七月壬午車駕自興元至京師帝既還宮每間日宴勳  
臣於麟德殿必親閱酒饌盛陳音樂極歡而罷其所頒  
賜李晟首之渾瑊次之諸宰相節將又次之所以褒元  
功示秩序也

九月詔靈州大都督渾瑊入所賜太寧里第特賜女樂五人及錦綵銀器等仍令宰臣節將會送有司備樂供饌

貞元二年八月李懷光平詔曰河東保寧等軍節度并管内諸軍節度副元帥檢校司徒平章事北郡王燧惟嶽降生鬱為時傑奉上有匪躬之節訓師懷盡敵之謀嘉猷屢聞能事畢備朔方河中同降陝虢等州節度及管内諸軍行營兵馬副元帥侍中咸寧郡王瑊堅持不

奪之志亟陳必勝之畧輯睦士旅崇功允集惟乃二帥  
一其誠心奉行天誅同獎王室是加寵命以荅殊勳燧  
可兼侍中仍與一子五品正員官并階餘並如故瑊可  
檢校司空仍與一子五品正員官并階餘並如故華州  
潼關鎮國軍節度檢校尚書右僕射駱元光邠寧慶節  
度觀察等使檢校尚書左僕射韓遊瓌廊坊丹延等州  
節度觀察使檢校兵部尚書唐朝臣等並節著艱危功  
成討伐可各賜實封二百戶仍各與一子六品正員官

并五品階餘並如故應諸軍同討懷光將士宜共賜三十萬端匹以充宴賞並各放歸本道仍令所司敘錄即起資與改轉

三年三月詔加李晟太尉依前兼中書令四月帝御宣政殿備禮冊拜晟受封訖其羽儀乘輅謁太廟遂赴上於尚書省帝令中官就省賜晟良馬二匹錦綵一千疋銀器十餘事并酒脯等以寵之

五年九月西平王李晟與侍中馬燧召見於延英殿帝



嘉其大勳乃詔曰昔我烈祖乘乾坤之盪滌掃隋季之  
荒屯體元御極作人父母則亦有熊羆之士不二心之  
臣左右經綸參翊締構昭文德恢武功威不若康不义  
用端命于上帝付畀四方宇宙既清日月既貞王業既  
成太階既平乃圖厥容列于斯閣懋昭績効表式儀形  
一以不忘于朝夕一以永垂乎來胤君臣之義厚莫重  
焉貞元己巳歲秋九月我行西宮瞻宏閣崇構見老臣  
遺像颯然肅然和敬在色想雲龍之叶應感致業之艱

難覩往思今取類非遠且功與時並才為代生苟蘊其  
才遇其時尊主庇民何代不有在中宗則桓彥範等著  
推戴之績在玄宗則劉幽求等申翼奉之勳在肅宗則  
郭子儀掃殄氛祲今則李晟等保寧朕躬咸宣力肆勤  
光復宗祏訂之前烈夫豈多謝閉而未錄孰謂旌賢况  
念功紀德文祖所為也在予曷其敢怠有司宜敘年代  
先後各圖其像列于舊臣之次仍令皇太子書於壁庶  
播嘉庸昭明天下俾後之來者知元勳不朽又書以賜

晟刻石於門左於是史官考其功績第其先後以褚遂良蘇定方郝處俊等二十七人充之

憲宗元和初杜黃裳為相劉闢作亂黃裳堅請討除及闢平宰臣入賀帝獨目黃裳曰此卿之功也

四年四月制曰夫定社稷濟生人存不朽之名垂可久之業者必報以殊常之寵待以親比之恩遺國無窮時惟茂典故奉天定難功臣太尉兼中書令上柱國西平郡王食實封一千五百戶贈太師李晟間代英賢自天

忠勇邁濟時之宏算抱經武之長材貫以丹誠協于一  
德嘗遭屯難之際實著戡定之功鯨鯢既殲宮廟斯復  
眷茲勳伐則有褒崇永元天步之夷載懷邦傑之力是  
加崇于往烈爰協比于後昆睦以宗親將予厚意其家  
宜令編附屬籍

八月詔曰朕聞昔之佐時制物者咸有大功是惟五官  
以配五帝自時厥後有國家者莫不以輔弼之奇社稷  
之勳名登大烝陪享清廟苟非茂德孰允盛儀贈太尉

冕望重巖廊時為貞幹靈武艱阻首贊經綸宣力股肱  
平心鼎鉉任戡定之成業推翼戴之嘉猷贈太師晟識  
精韜鈴神假雄武建中寇孽躬踐憂虞垂餌虎狼致威  
罇俎刷宮廟之塵穢迴日月之光輝贈太尉秀實氣全  
剛柔節固金石兇渠僭逆潛蹶根萌矯命選師衷刃決  
死紆阼危于休迫挫狂狡之姦謀並材為時生用當國  
否感雲龍而應變炳辰象以降靈光復寰區振揚風槩  
勳庸藏于盟府寵飾備于前朝光陰不追威烈如在朕

頃因郊祀爰舉典常俾差茂勳以配殷祭惟咸有一德  
允屬乎三臣庶昭示于將來式崇恩于既往冕宜配享  
肅宗廟庭晟秀實宜配享德宗廟庭

馬總元和中為安南都護以綏蠻功就加金紫

文宗太和元年十一月勅故太尉兼中書令李晟勳業  
崇高銘在鍾鼎其神道碑宜令所司建立

二年二月丁亥朔太子詹事段伯倫奏已父贈太尉秀  
實准前後勅令所司置廟立碑今營造已畢取今月二

十五日行升祔禮詔曰段秀實忠衛宗社功配廟食義  
風所激千載興起間代勳力須異等夷宜賜綾絹五百  
匹以度支物充仍令所司供少牢并給鹵簿人夫兼令  
太常博士一人檢校

後唐莊宗同光元年三月詔隨駕收復汴州并扈從到  
雒及南郊立仗都將已下至節級長行軍將等朕自削  
平中夏掃盪羣兇被介冑以征行歷星霜而扈從凡經  
百戰盡力殊功永念丹心真同赤子若無旌賞豈表恩

榮其都將官員司並賜謀定亂佐國功臣自僕射尚書  
常侍至大夫中丞宜並賜忠勇拱衛功臣其初帶銜宜  
並賜忠烈功臣已有功臣名者不在此限其節級長行  
軍將並賜扈蹕功臣

十月己卯入汴己亥宴于崇元殿偽將段凝霍彥威戴  
思遠王瓚等侍酒酣帝以酒屬明宗曰今辰宴客皆吾  
前日之仇敵也一旦與吾同筵蓋御前鋒之效也偽將  
等泥首稱謝帝曰吾與總管話舊公輩勿以為嫌因賜



服玩撫慰之

郭崇韜自莊宗嗣位為中門使從擒王彥章誅梁氏降  
段凝皆崇韜贊成其功也莊宗至汴州宰相豆盧革在  
魏州令崇韜推行中書事俄拜侍中兼樞密使及郊禮  
畢以崇韜兼領鎮冀節度使進封郡公邑二千戶賜錢  
券恕十死

周德威同光初追贈太師大成中詔與李嗣昭符存審  
配享莊宗廟庭

朱友謙自梁歸順破梁軍加守太尉西平王同光初莊宗滅梁友謙覲于雒陽莊宗置宴享勞寵錫無算親酌醵屬友謙曰成吾大業者公之力也

符彥超同光末赴北京巡檢先是朝廷令內官二人在太原一監兵一監倉庫及明宗入雒皇弟存霸單騎奔河東與內官謀殺彥超與留守張憲彥超覺之密與憲謀未決部下大譟州兵畢集張憲出奔是夕軍士殺內官存霸於衙城詰旦聞雒城禍變彥超告諭三軍明宗

又令其弟龍武都尉侯彥卿馳騎安撫後彥超入覲明宗召見撫諭授晉州留後未行會其弟前曹州刺史彥饒平宣武亂軍明宗喜召彥超謂之曰吾得爾兄弟力餘更何憂爾為我往河東撫育耆舊即授北京留守太原尹

明宗天成四年三月辛巳王晏球至自定州帝曰中山悖逆勞卿攻討今已掃蕩兼敗鮮卑中興已來未有立功如卿者晏球曰臣謬主兵權不能尋振皇威久煩饋

運上賴睿奠薄有所成失律是懼臣有何功命樂舉酒  
錫賚殊異移授天平軍節度

晉高祖天福三年正月乙丑西京留守李周奏乞正鄉  
名里號勅李周位列藩宣秩居台輔忠能佐國孝以成  
家今貢表章請改鄉里既久符于舊典當普示于新恩  
宜賜俞允兼諸道應帶平章事已上並准唐長興二年  
正月十五日勅命施行

周世宗顯德四年七月己丑賜宰臣李穀親征圖一面

其文翰林學士承旨陶穀之所撰也

先是帝征淮南以壽陽未拔時穀卧

疾未愈遂詔宰臣范質王溥就第以問之穀因上章陳  
觀征之利者三後賊拔帝以其表示陶穀且曰臣之事  
君不當有隱觀李穀敷奏忠誠可嘉爾為贊述以勸來者因有是贊

冊府元龜卷一百三十三